



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-04-05-15502-58/19  
Sarajevo, 06.06.2019. godine

SKUPŠTINA KANTONA SARAJEVO  
SLUŽBA ZA SKUPŠTINSKE POSLOVE  
-ovdje-

**PREDMET:** Odgovor na zastupničko pitanje, *dostavlja se*

Na Sedmoj radnoj sjednici Skupštine Kantona Sarajevo, održanoj dana 17.04.2019. godine u okviru tačke Dnevnog reda "Poslanička pitanja, inicijative i odgovori", zastupnica Danijela Kristić, postavila je zastupničko pitanje koje glasi:

*„Zašto do danas nije usvojena Odluka o Zaštiti izvorišta vode za piće Sarajevskog polja, i na osnovu kojih zakonskih propisa se izdaju urbanističke i građevinske dozvole na području Općine Ilidža u I i II vodozaštitnoj zoni“.*

*Образложење*

*"Prema Izmjenama i dopunama Zakona o vodama KS (Sl.novine Kantona Sarajevo broj:43/16) u članu 43. se navodi da Ministarstvo pivrede može donijeti privremenu Odluku o Zaštiti izvorišta, a koju treba da usvoji Vlada KS".*

*Na prijedlog Ministarstva privrede, Vlada formirala je Komisiju za donošenje Privremene odluke zaštite izvorišta vode za piće Sarajevskog polja u aprilu 2017. godine. Komisija je predala Ministarstvu privrede, prijedlog Privremene odluke u julu 2018. godine nakon sumarnih svih primjedbi koje su došle na nacrt te odluke, te šalje Prijedlog odluke u dalju proceduru prema Ministarstvu privrede.*

*Do danas ta odluka nije usvojena. Zašto?, te se postavlja pitanje na osnovu koje Odluke se izdaju urbanističke i građevinske dozvole u I i II vodozaštitnoj zoni, ako se uzme u obzir Zakon iz 1987 godine (Služben novine grada Sarajeva 2/87), koji nije stavljen van snage, a po kojem nije dozvoljena gradnja u I i II vodozaštitnoj zoni?"*



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



## Odgovor:

U narednom periodu Ministarstvo privrede će dostaviti Vladi KS *Nacrt Privremene odluke o zaštiti izvorišta vode za piće „Sarajevsko polje“* na razmatranje i dalje postupanje. U Izvještaju o radu koji je dostavila Komisija koja je pripremila Nacrt odluke date su preporuke koje treba ispuniti kako bi se Odluka mogla provoditi. Te preporuke se odnose na određene aktivnosti kao što je monitoring, neki specifični istražni radovi i druge aktivnosti za čiju implementaciju treba izdvojiti određena finasijska sredstva.

Bez obzira na brzinu usvajanja Privremene odluke prostor je s pravnog aspekta zaštićen "*Odlukom o zaštiti izvorišta vode za piće u Sarajevskom polju („Službene novine Grada Sarajeva“, broj 2/87)*" i iste se treba striktno pridržavati, a upravitelj vodozaštitnih zona KJKP "Vodovod i kanalizacija" d.o.o Sarajevo treba preduzimati mjere zaštite kako bi se zaštitio prostor, kvalitet i kvantitet vode u izvorištima. Napominjemo da su granice obuhvata postojeće važeće Odluke iz 1987. godine šire od granica koje se predlažu Privremenom Odlukom, zbog toga što su granice Privremene odluke određene na osnovu važećeg "*Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije Bosne i Hercegovine“, broj: 88/12)*", a važeći Pravilnik svojim odredbama u velikoj mjeri skraćuje zone sanitarne zaštite. Skraćivanje zona samo po sebi može predstavljati ogroman problem prilikom provođenja mjera zaštite te stvaranje pretpostavki za trajnu uzurpaciju i promjenu namjene nekada šticećenog vodozaštitnog prostora u obuhvatu zona sanitarne zaštite. Stručna Komisija je imajući u vidu sve okolnosti i pšotrebe za vodom Kantona Sarajevo u svom Izvještaju o radu dala smjernice zaštite.

Prema tome navedena važeća Odluka iz 1987 godine o zaštiti izvorišta vode za piće u Sarajevskom polju svojim obuhvatom štiti izvorišta vode i u Sokolovićima i Stupu i Bačevu-Konacima ali se trebaju poštovati, kontinuirano poboljšavati, osavremenjavati, prilagođavati i obavezno provoditi mjere zaštite, putem upravitelja zona u ovom slučaju putem KJKP "Vodovod i kanalizacija" d.o.o Sarajevo, kojem su vodozaštite zone mjesta obavljanja djelatnosti tj. mjesta izgrađenih vodnih objekata za zahvatanje vode.

Također nadležne općinske službe i ministarstva koja izdaju urbanističke saglasnosti i odobrenja za građenje, kao i oni organi koji izrađuju i usvajaju prostorno-plansku i provedbeno plansku dokumentaciju su dužni poštovati granice obuhvata i mjere zaštite. Nadležni inspekcijiski organi po službenoj dužnosti su dužni preduzimati sve neophodne mjere i zakonom data ovlaštenja u cilju zaštite granica zona i kvaliteta vode u izvorištima u Sarajevskom polju. Prema tome dok se ne usvoji druga odluka o zaštiti izvorišta, Odluka iz 1987. godine je na snazi i iste se moraju pridržavati svi organi koji izdaju odobrenja za građenje, planeri prostora kao i upravitelj zona.

Što se tiče drugog dijela pitanja koje se odnosi na izdavanje urbanističkih saglasnosti i građevinskih dozvola na području Općine Ilidža u I i II vodozaštitnoj zoni", napominjemo da je ova problematika u nadležnosti drugih organa, jer općinske službe za urbanizam, kantonalna i federalna ministarstva za prostorno uređenje, izdaju urbanističke saglasnosti i odobrenja za građenje i odgovorni su za taj segment kao i za izradu planske dokumentacije tj. regulacionih planova, urbanističkih projekata na osnovu kojih se vrši planiranje prostora i izdaju odobrenja za građenje. Urbanističko-građevinske inspekcije su nadležne za kontrolu zakonitosti gradnje, a vodna inspekcija je nadležna za kontrolu provođenja mjera zaštite izvorišta koje treba da provodi upravitelj.

Dostavljeno:

- Naslovu,
- Evidencija,
- a/a.



MINISTAR

Haris Bašić



web: <http://mp.ks.gov.ba>

e-mail: [mp@mp.ks.gov.ba](mailto:mp@mp.ks.gov.ba)

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1

